

Kóžde před minjenjom zarjadowanskich lět wuprózdnjene zastojnstwo we wubjerku ma so ze zhromadneje kooptacije předsydstwa a wubjerka na hišće zbytny zastojnski čas prjedownika wupjelnić.

Wubjerk pomjenuje za swoje posedženja ze swojeje srjedžiny předsydowaceho a pismawjedźaceho. Wón wobzamkuje z wjetšinu hłosow. K wobzamknjenju dosaha přítomnosć třoch wubjerkownikow. Při runosći hłosow rozrisuje hłos jich předsydy, kotryž tež zhromadźizny wubjerka powołuje.

§ 13. Prawa a přislušnosće wubjerka.

Wubjerk ma prawo kóždy čas do naležnosći towařnistwa, wosebje do pismow pokładnicy, knihownje a knihiskłada pohladnyć. Wón smě po wobzamknjenju wjetšiny powołanje hłowneje zhromadźizny žadać, hdyž su so při wothłosowanju wo tym wšitke wubjerkowe sobustawy wobdźělile.

Wón ma přislušnosć z najmjeńša kóždolětnje wokoło spočatka měrca wot dweju ze swojeje srjedžiny wuzwoleneju sobustawow pokładnicu a wot pokładnika wotedatu bilanciu, kaž tež knihownju přehladować a wot knihiskładnika zestajeny inventar pruhować.

§ 14. Zhromadne posedženja předsydstwa a wubjerka.

Předsydstwo a wubjerk wobzamkujetaj w zhromadnym posedženju:

1. wo přiwzaću rjadnych a wurjadnych sobustawow;
2. wo statutarisce přislušnych kooptaciach;
3. wo přiwzaću požčowankow, hdyžkuli wone w jenym towařstwowym léće t. r. w času mjez poslednjeje rjadnej hłownej zhromadźizny (přirunaj § 19) a slědowacej sumu tysac markow nje-přesahuja;
4. wo najeńskich, přenajeńskich, twarskich a porjedžeńskich naležnosćach, na ležownosć towařnistwa so počahowacych;
5. wo wšěch naležnosćach, při kotrychž zřadowanju předsydstwo přiwrzaće wubjerka za trěbne dzerži.

K wobzamknjenju w zhromadnych posedženjach dosaha přítomnosć třoch předsydstwowych a dweju wubjerkoweju sobustawow.

Wobzamknjenja postajeja so z wjetšinu hłosow.

Předsyda předsydstwa předsyduje. Při runosći hłosow rozrisuje jeho hłos. (Přirunaj § 11 ad a.)

§ 15. Přičiny wotpokazanja wólby do předsydstwa abo wubjerka.

Wot přislušnosće přewzaća zastojnstwa we předsydstwje abo we wubjerku wuswobodža: 1. khorosć, 2. staroba 60 lět, 3. šěsćlětné skutkowanje sobustawa w předsydstwje abo we wubjerku,